# Universal Declaration of Human Rights - Dangme

© 1996 - 2009 The Office of the High Commissioner for Human Rights

This HTML version prepared by the *UDHR in Unicode* project, <a href="http://www.unicode.org/udhr">http://www.unicode.org/udhr</a>.

# JE TSUO BLO NYA TOMI KE HA ADESA HE BLOHI

## **IMCCST AYM**

Be abo nε a le odehe si himi nε Mawu bo adesahi tsuo nε a hi si ngε je mi, nε e ha no tsuaa no he blohi sosoε, nε no ko be he blo nε e kpoo ngε a dε o, e ji he jomi kε dami same yemi kε tue mi jomi a sipoku ngε je mi.

Be abo nɛ adesa he blohi a no tue gbomi kɛ he guɛ gbemi wo basabasa ni peemihi kɛ ba gba je o tsuo nya he je o, a ngo no kaa jehanɛ o, adesa maa ye gbeye kɛ ohia no kunimi, nɛ e ma na hemi kɛ yemi kɛ nya kɛ tu munyu, nɛ enɛ ɔmɛ ji nimli gu ɔmɛ a hiami nihi nɛ pe kulaa.

Be abo  $n\epsilon$ , ke  $n\delta$  ko  $h\epsilon$ wi no ko o, e be gidigidi  $n\delta$  ko pee kaa e nyagbe he pulemi  $n\delta$  ke si yi kpeti wawe no yemi ke no no nyemi he je o, e he hia kaa a wo mlaa pe ke pee adesa he blohi a he fami  $n\delta$ .

Be abɔ nε kake peemi he hia he je ɔ, e sa kaa a to blɔ nya kε ha ma kε ma a kake peemi nɔ yami.

Be abo nε Je Mahi A Kake Peemi Kuu o ma a hemi kε yemi no mi ekohu ngε Womi o mi, ngε adesa he blohi klεdεε nε e ngε, kε odehe nε e ji, kε e he jua wami, kε nyumu kε yo a he blo sosoε nε a hεε o, a fia pεε si kaa a maa bo mode nε a ha nε adesa kake peemi kε si himi kpakpa nε ya no ngε he jomi mi.

Be abɔ nɛ mahi nɛ ngɛ Kake Peemi Kuu ɔ mi wo si kaa a ma pataa Je Mahi A Kake Peemi Kuu ɔ he ɔ, a ngɔ nɔ ka a ma tsu ni kɛ na je mi tsuo bumi kɛ ha adesa he blɔhi kɛ e he jɔmi klɛdɛɛ ɔmɛ a nɔ yemi.

Be abɔ nε, loko si womi nε ɔ ma tsu ni ɔ lεε nɔ́ nε he hia pe kulaa ji kaa nɔ fεε nɔ nε nu kikɛmɛ a he blɔhi kɛ he jɔmi nɛ ɔmɛ a sisi.

Jehanε ɔ,

Kpe Ngua a ha lemi kaa

Je tsuo Blo Nya Tomi kε Ha Adesa He Blohi nε ο,

akɛnɛ e ji blɔ nya tomi kɛ ha nimli adesahi tsuo kɛ mahi kulaa he je ɔ, nɔ fɛɛ nɔ kɛ asafo tsuaa asafo nɛ wo kikɛmɛ a Blɔ nya tomi nɛ ɔ ngɔ ma e hɛ mi be fɛɛ be. E bɔ e he ni tsumi he mɔde, e gbo e tsɔɔmi kɛ tsɔsemi he dengme, nɛ e gu blɔhi nɛ ma wo nɔ yami kɛ ba ngɛ mahi kɛ zugbahi a kpɛti nɔ, kɛ na bumi ha adesa he blɔhi kɛ he jɔmi kɛ gu enɛ ɔmɛ a nɔ loko ji je tsuo, kɛ mahi nɛ ngɛ Kpe ɔ mi tete a mi bimɛ kɛ mahi nɛ ngɛ a nɔ yemi sisi a mi bimɛ ma yɔse nɛ a maa ye nɔ saminya.

## Fiεεmi 1

Adesahi tsuo σ, a bɔ mɛ nɛ nɔ fɛɛ nɔ e ye e he, nɛ nɔ tsuaa nɔsɔ ngɛ odehe si himi kɛ he blɔhi a blɔ fa mi. A bɔ mɛ kɛ nɔ́ se kɔmi kɛ he nule juɛmi, nɛ e hia kaa nɔ fɛɛ nɔ nɛ e na

nyεmi suomi kε ha no tsuaa no.

#### Fieemi 2

No fee no nge he blohi ke he jomi ne a je ngo tsoo nge womi ne o mi a he blo, ne nó ko kulaa ko we he ne no ko je he, bo ne no ko e he womi nge, nyumu loo yo ne e ji, gbi ne e tuo, jami mi ne e nge, ma mi sane yemi loo juemi kpa ko ne e hee, ma no loo asafo mi ne e je, weto ni ne e nge, nó ko ne koo e fomi loo e blo nya kpa ko ne e hee.

Jehanɛ se hu ɔ, mi gbami ko be nɛ tsɔɔ kaa ngɛ nɔ ko e ma mi he nɛ e je he je ɔ, blɔ nya tomi nɛ ɔ sɛ e he. Jamɛ a ma a ngɛ e he nɔ yee jio, a ngɛ e nɔ yee jio, e ngɛ he wami ko sisi ngɛ blɔ ko nɔ jio, e sane yemi kɛ e mlaa nɛ e yeɔ, aloo e kɛ ma kpahi a kpɛti blɔ nya tomi kɔ we blɔ nya tomi nɛ ɔ he nɔ́ ko kulaa.

# Fiεεmi 3

No fεε no ngε wami kε he no yemi kε e yiwa nami he fami he blo.

#### Fiεεmi 4

A be no ko no ko woe ngo pee nyoguɛ loo a maa tsi e nya yaka gu. A maa gu nyoguɛ yemi kɛ nyoguɛ jua yemi pɛsɛpɛsɛ.

## Fiεεmi 5

A be no ko piεe, nε a be no ko yi kpεti wae. A be no ko basabasa pee, a be no ko hε mi si puee, aloo a maa gbla no ko tue bo nε sε.

# Fiεεmi 6

Ngε mlaa nya a, abu no fεε no kaa adesa ngε he fεε he.

#### Fieemi 7

No tsuaa no so ngε mlaa hε mi. Lo o he je o, he blo ngε nε mlaa faa no tsuaa no he ρερεερε ne nó mi gbami ko be mi. Mlaa ma fa no fεε no he sosoε, ngε tue gbomi nε maa te si kε si no mi hlami nε a tsi to ngε womi nε o mi, aloo nó ko nε ma wo no mi hlami kε ba a blo fa mi.

# Fiεεmi 8

He blo nge ha no fee no, ne Amlaalo o e kojoli kpakpahi a dlaa ne a kojoo e sane o haa le, ke munyu ko maa te si ke si he blohi kledee ne mlaa ke ma no yemi mlaa haa le o.

## Fiεεmi 9

He blo be n $\epsilon$  a nuu no ko gu, aloo a tsio no ko nya ng $\epsilon$  polisihi a nine no, aloo a fieo no ko k $\epsilon$  jee e ma mi n $\epsilon$  sisi numi be he.

#### Fieemi 10

No tsuaa no nge he blo sosoe ne kojoli ne hee a he, ne a be godogodo maa kojp e sane ha le pepeepe ke kaa e na sane ko ne koo e he blohi loo e blo nya ni tsumi ko, aloo a ngo mlaa tomi ne koo awi yemi sane ko ke si le.

#### Fiεεmi 11

- 1. No fee no ne a ma wo sane ne hee tue gblami ke si le o, a maa ngo kaa e yi fo ke ya si a maa kojo le nge ma he mi ne a maa bu le fo nge mlaa nya bene e na e he fami he blo tsuo ta.
- 2. A be no ko fo bue ke e to mlaa nɛ hɛɛ tue gblami, benɛ nó nɛ e pee o tsoo we mlaa tomi ngɛ ma mlaa, loo mahi a kpɛti mlaa nɛ ngɛ no yee jamɛ a be o mi. He blo hu be kaa a gblaa mlaa tolo tue pe bo nɛ mlaa nó nɛ ngɛ no yee jamɛ a be o mi haa he blo.

## Fieemi 12

He blo be nε a woo nya ngo woo no ko e kokoo mi sane loo e weku munyu, e we mi loo e womi munyuhi a mi bo nε sε, aloo a gbee e he guε kε puεo e blo nya nε e hεε. He blo ngε ha no fεε no nε mlaa ma fa e he ngε nya womi kε e sanehi a mi womi kε e he guε gbemi blo fa mi.

# Fiεεmi 13

- 1. No fee no nge he blo ne e kpaa si ke yaa he ne e suo, ne e hii he ne e suo nge zugba no he ne e nge o.
- 2. No fεε no ngε he blo nε e sio ma tsuaa ma mi, kε lε nitsε e ma tete nε e kpaleo kε yaa e ma mi.

## Fiεεmi 14

- 1. No fεε no ngε he blo nε e ya dumoo ma kpa ko ke ji kaa a ngε e mi kpatami he blo hlae.
- 2. Ke ji a wo sane nε da blɔ nε kɔ we ma mi sane yemi he, loo Je Mahi A Kake Peemi Kuu ɔ si womihi kε blɔ nya tomihi a he ɔ, lεε kikɛmɛ a he blɔ nε ɔ, a be nɔ ngɔe.

#### Fiεεmi 15

- 1. No fεε no ngε he blo nε e peeo zugba tsuaa zugba no nε e ngε o no no.
- 2. Blo be kaa a kpoo no ko he blo n $\epsilon$  peeo l $\epsilon$  ma ko no no ng $\epsilon$  e d $\epsilon$  n $\epsilon$  sisi numi be he, aloo a ko ngm $\epsilon$  no ko blo ke kaa e suo n $\epsilon$  e ma pl $\epsilon$  e he ma ko no no.

#### Fiεεmi 16

- 1. Nyumuhi ke yihi ne su nihe ke zangma mi ó, a nge he blo ne a ngoo a bi kone a wo weku, ne wetso loo ma no ne a ti no ko je loo jami mi ne e nge, tsí me blo kulaa. A hee he blo sosoe nge gbami mi semi ke gba si himi ke gba mi pomi blo fa mi.
- 2. A ngε he blɔ nε a sεε gba si himi mi ke ji kaa mε nihi enyɔ ɔmε nε a ngε a bi ngɔe ɔ, a na nɔ kplεεmi.
- 3. Nyumu kε e yo a si himi ji adebɔ nɔ́ kε weku nε ba peeɔ wεtso e sisi jemi. Lɔ ɔ he je ɔ, a hia asafo kε ma tsuo yemi ke buami.

#### Fiεεmi 17

- 1. No fεε no ngε he blo nε e hii weto ni, lε no kake, aloo e kε ni komε.
- 2. He blo be na a heo no ko e weto ni nga e da na sisi numi be he.

#### Fiεεmi 18

No fee no nge he blo ne e peeo no ne e susumi ke e he nile ke e jami deo le. E nge he blo hu ne e tsakeo e jami loo e hemi ke yemi, aloo e fieo e jami loo e hemi ke yemi ngo tsoo nge ma no loo laami mi, ne e tsuo e jami he ni, le no kake loo nge juami mi.

## Fiεεmi 19

No fεε no ngε he blo nε e jeo e juεmi kε e susumi kpo kε tsoo. He blo he ngε nε a kpeo kε ha níhi a he susumi, nε a hlaa nε a naa nó ko nε a ngε hlae nε a le o kε jee he tsuaa he, nε nya tsimi ko be he, nε a gbεε kε fiaa ngε blo fεε blo no, nε no demi loo huzu tsí nya.

#### Fieemi 20

- 1. No fεε no ngε he blo kε ha kpe peemi kε he nya buami ngε tue mi jomi mi.
- 2. He blo be nɛ a nyɛɛ no ko no kɛ ha kpe ko mi sɛmi.

#### Fieemi 21

- 1. No fεε no ngε he blo nε e peeo e ma mi Amlaalo loo ma no yeli omε a kpεti no kake, aloo e hlaa nihi kε daa e nane mi.
- 2. No fεε no ngε he blo sosoε ngε e ma mi Amlaalo ni tsumi mi.
- 3. Ma bimε a suomi nya ni ji he wami nε Amlaalo o maa da kε tsu ni. Ma bi ma je a suomi nya ni kpo ngo tsoo kε gu no tsuaa no so foi loo nihi a hlami no ngε golaa mi kε anokuale blo no be fεε be, aloo kε gu no hlami blo nya tomi kpa ko no nε no no nyεmi be mi.

#### Fieemi 22

Akɛnɛ nɔ tsuaa nɔ ji juami mi no he je ɔ, e ngɛ he blɔ nɛ ma puleɔ e he nɛ e susuɔ e he, nɛ nɔ hɛ mi hyɛmi be mi, ngɛ sika kɛ si himi kɛ kusumi he blɔhi a blɔ fa mi, ngɛ lɛ ma a nitsɛ e mɔde bɔmi kɛ e kɛ mahi a kake peemi blɔ nya tomi kɛ e he wami nya.

# Fieemi 23

- 1. No fee no nge he blo ne e tsuo ni tsumi ne e suo. E nge he blo ke ha ni tsumi he blo nya tomi kpakpa ke e ni tsumi he pulemi ne e ko je e de.
- 2. No fee no nge hiowo sosoe nge ni tsumi fiee ne a ma tsu he, ne no he mi hyemi be mi.
- 3. No fee no ne nge ni tsue o, e nge he blo ne e naa hiowo kpakpa bo ne maa hi ha e ke e yo ke a bime a si himi saminya kaa nimli adesahi, ne ke e he hia a, e sa ne e sa ni kpahi hulo ke ha a he bumi.
- 4. No fee no nge he blo ne e peeo ni tsuli a kpe aloo e ke e he woo eko mi kone e ke pule e he blohi loo e suomi nya nihi a he.

#### Figemi 24

No fεε no ngε he blo nε e naa ngmlεfia saii ngε e ni tsumi be mi kε joo e he. E ngε he blo hu nε e naa ligbihi abo nε a to he blo nya kε ya joo e he. E ngε he blo hu nε e naa ligbihi abo nε a to he blo nya kε ya joo e he be komε, nε a je we nó ko ngε e hiowo mi.

# Fiεεmi 25

- 1. No fεε no ngε he blo nε e naa si himi kpakpa kε haa lε nitsε kε e yo kε a bimε a yiwa nami. Níhi nε he hia mε ji niye ni, heha nó, hi he, hio tsami, hεja jemi níhi, he blo kε ha yemi kε buami ke kaa e ni tsumi je e dε, ke e nu hio aloo oslaa ko ye lε, e ngε aho si himi, e bwo aloo e sε pimi si himi ko mi bo nε e be nyεe e he mode bomi.
- 2. Yifəyihi kε jokuεwi hia nə hyεmi kε yemi kε buami pətεε. Yo kpeekpee bi jio, pla bi jio, mε tsuo a hia nə hyεmi səsəε.

#### Fieemi 26

- 1. No fee no nge ni kasemi he blo. A be ni kasemi he hio woe, titli o nge sisije sukuu ke nó ne fie lo o se o. Jokuewi a sukuu yami maa pee no no nyemi sane. A ma ha no tsuaa no nine nya ni tsumi ke ni tsumi kpa ame a kasemi he blo, ne ni kasemi he ne ya he mi o hu maa hi si ke ha nihi ne a maa hla me nge a mode bomi nya.
- 2. Ni kasemi ma tsose nomlo adesa ne e maa je blo ke ha adesa he blohi a bumi ke he jomi. E maa je blo ke ha he lo sisi numi ke tsui si tomi ke hue bomi, bo ne pee ne kake peemi ne ba je mi tsuo, kone mi gbami ne baa nge jami ke nomlo blo fa mi ne e gu. E maa ye hu ke bua Je Mahi A Kake Peemi Kuu o nge e ni tsumihi a mi ne tue mi jomi ne hi si be fee be.
- 3. Foli nε sa nε a tsoo ni kasemi nε he hia a bimε.

#### Fiεεmi 27

- 1. No tsuaa no ngε he blo faa nε e kε e he woo ma kusumi ni peemi níhi a mi, konε a mi ni tsumi, níhi a si kpami kε se nami o, lε hu e na eko.
- 2. He blo ngε kε ha no fεε no biε kpakpa kε e suomi nya ni he fami, ngε níhi a si kpami loo womi ngmami loo ga ni tsumi ko nε e ma tsu blo fa mi.

#### Fieemi 28

No tsuaa no maa ye kuu mi n $\epsilon$  e ng $\epsilon$  o k $\epsilon$  mahi tsuo a kp $\epsilon$ ti mlaa mo, kon $\epsilon$  he blohi k $\epsilon$  he jomi a he blo nya n $\epsilon$  a to ng $\epsilon$  womi n $\epsilon$  o mi o, e ye manye.

# Fiεεmi 29

- 1. No tsuaa no ngε e blo nya ni tsumi nε e sa nε e tsu ngε kuu mi nε e ngε ο, lejε ο se si himi no yami maa je.
- 2. Ng $\epsilon$  no f $\epsilon$  no e he blohi k $\epsilon$  he jomi nami a he ni tsumi blo fa mi o, e ko pee nó ko n $\epsilon$  maa be mlaa he, bo n $\epsilon$  pee kon $\epsilon$  e na bumi k $\epsilon$  ha ni kpahi hu a he blohi k $\epsilon$  he jomi, n $\epsilon$  e h $\epsilon$  je mi bami kpakpa k $\epsilon$  ma tue bumi, n $\epsilon$  e na no tsuaa no he ju $\epsilon$ mi kpakpa ng $\epsilon$  ma si himi he n $\epsilon$  no f $\epsilon$ e no h $\epsilon$ e blo nya ng $\epsilon$ o mi.
- 3. Kikεmε a he blohi kε he jomi nε omε o, no ko be he blo nε e tsuo he ni bo nε tsa pi ja nε Je Mahi A Kake Peemi Kuu o e blo nya tomi kε e yi mi tomi tsoo.

## Fiεεmi 30

Nó ko no ko be womi n $\epsilon$  o mi n $\epsilon$  a maa ngo kaa e haa ma pot $\epsilon$  ko, loo kuu ko loo no ko he blo jo, n $\epsilon$  e pee nó ko n $\epsilon$  e ju $\epsilon$ mi ji kaa e ma k $\epsilon$  pu $\epsilon$  he jomi k $\epsilon$  he blohi n $\epsilon$  a ngma k $\epsilon$  wo womi n $\epsilon$  o mi o a kp $\epsilon$ ti eko.